

Dr Mahathir rasmi muktamar Berjasa ketiga Jumaat depan

ALUR SETAR, Jumaat — Perdana Menteri, Datuk Seri Dr Mahathir Mohamad akan merasmikan muktamar Berjasa yang ketiga Jumaat depan.

Seorang jurucakap parti itu berkata hari ini, muktamar tiga hari itu akan dihadiri oleh kira-kira 2,000 perwakilan dan pemerhati dari seluruh negara.

Kedah akan menghantar 150 perwakilan dan pemerhati diketuai oleh Pesuruhjayanya, Syed Mashor Abdullah.

Beliau bimbang jika tokoh-tokoh ulama tidak memilih Berjasa akan diserapi dengan golongan petualang dan materialis yang hanya melompat dari satu parti ke parti lain bila keadaan tidak sesuai dengan mereka.

Tambahnya, golongan itu juga menggunakan taktik kotor yang lari dari kaedah perjuangan Islam sebenarnya.

Encik Talib mendakwa beberapa orang dari golongan itu sedang menjelajah ke seluruh negara untuk menonjolkan calon-calon mereka bagi

mendapatkan sokongan di muktamar itu nanti.

Beliau berharap para perwakilan dapat memilih tokoh-tokoh seperti Wan Hashim bin Wan Ahmad, Dr Halim Mat Diah dan Encik Mohamad Che Wok supaya parti itu tidak lari dari konsep perjuangan asalnya.

Dewan Pemuda Ulama dan Muslimat Berjasa Kedah turut menyokong usul Berjasa kawasan Kuala Kedah dan Baling mencalonkan Wan Hashim sebagai Presiden parti itu.

Bimbang

Sementara itu, Berjasa kawasan Kuala Kedah dan Baling telah mencalonkan Timbalan Presiden Parti itu, Wan Hashim bin Wan Ahmad untuk merbut jawatan Presiden.

Kedua-dua kawasan berpendapat Wan Hashim yang juga Ahli Exco Negeri Kelantan adalah tokoh yang sesuai mengambil-alih pucuk pimpinan parti dari Datuk Haji Mohamad Nasir.

Yang Dipertua Berjasa Kuala Kedah, Encik Abdul Talib bin Ahmad yang juga Timbalan Pesuruhjaya II Berjasa Kedah berharap para perwakilan akan menggunakan segala kebijaksanaan memilih tokoh-tokoh ulama untuk memimpin parti itu.